


Sawmnak Dakhing:

Pathian thawng le nan thlcam-piaknak thawng in Tum Tum zong dam tein ka sin a phan kho ve cang. Dam te kan um ahcun Nov. 27, 2010 ni khi Thit-umnak Puai tuah kan i tim. Cu caah nan zapi tein rak kan lawmphi ve uh tiah kan in sawm hna. Sawmnak ca zong nan kut cung cio ah phakter khawh kan zuam ko nain, a hmu lo nan um sual zong ah mah email sawmnak hi sawmnak puitling

ah ra kan pom piak hram ko u tiah kan in nawl hna. Khi ni ah cun kan khrihfabu nan zate mui hmuh kan in duh hringhran ko hna.

A Hmun: 123 Byte Drive, Frederick, MD 21702
 A ni: November 27, 2010 (Saturday)
 A caan: 2:00 pm - 6:00 pm

Pa Siang & Tum Tum



Hringtu nu Laksawng Peknak:


Lai miphun karhna le thazaang peknak caah tiin Hakha pengkulh chung a ummi lakah hringtu nu fa tambik a ngeimi laksawng peknak tuah kan timh. First, Second, Third tiin a um lai. Na pawngkam i a ummi fa 12 cung a ngeimi na theih hna

ahcun zaangfahnak in kan theihter kho law kan i lawm ko hnga. Hringtu nu pakhat nih vaa pakhat nak tam a ngeih zongah fa tambik a ngeimi chungah aa tel kho. Hringtu nu a thi cangmi a si zongah min cazin pek khawh thiam a si. Pek nak ding cu hyfcazual2010@gmail.com ah a si lai.

[Ref: Van Dawh Hu]

Minmei Cazual

November 21, 2010 Sunday Literature Committee Chin Baptist Mission Church



American Laimi M. Thawng Kam

USA um laimi hi minung thong 20 lamnaih an si cang. Nikhat hnu nikhat an i chap-chin cuahmah ko. An umnak hmun kip ah Khrihfabu an ser hna i Khrihfabu 100 reng lo kan si an ti. Minung an tlawmdeuh rihnak hmun ah cun holh phun cawh in an i bu nain an hong tamdeuh tikah mah holh cio hoih in Khrihfabu an dir hna. Indianapolis khua hi Laimi an tambiknak khua si i, Lai Khrihfabu 15 an um. Kan ram ah bu (demomination) tampi kan um nain USA ah cun an i cawh dih tthan. Hihi zoh a dawh ngaimi a si. Asinain, hmuncheu ah cun Laitlang lio zumhnak ruangah ai tthenmi bu muisam in a hong dirmi zong an um pah cuhmah ve. Tedim le Falam unau hna lakah Baptist a duh lo bakmi an um hna caah bu dang minpu an tam deuh. Hihi a tlangpi an muisam a si. Tamdeuh in ka langhter rih lai.

Tedim lei unau hna nih i butnak bu (organization) ngaingai an ngei lo. Falam lei unau hi Khrihfabu 20 reng lo an um i, cu lakah Khrihfabu 3 fonh in Chin Baptist Association (CBA) an dirh. Hihi bu ngan an ngeihmi a si. Nain, Falam ai-awh a si kho lo. Matu lei bu an tam pah nain a pikpak in an um lio. Hakha lei hi a tambik an si. Khrihfabu 60 reng lo lakah 25 nih Chin Baptist Churches of USA an dirh i, hihi an i butnak nganbik a si. Ai tel rih lomi hna hi ttha te an dir khawh ve rih lo ruang le, cun ruahning duhning ai khat kho deuh rih lomi an si hna. Hmailei ah cun ruahchanak a um ko. A hlan ah Chin Baptist Fellowship of America an rak ti i, a tu cu CBC, USA an ti. Hi ti min an thlen ruangah ruah a rem lomi zong an um ve.

Khrihfabu dir a hnawhtu bik cu tlaw lai phannak a si bik. Zumhnak in tlaw lai le miphun tlaw lai an phang. Lai lei mi bawmhnak khua faak piin an ruat. Bu in an dir cang hna caah cheuhra cheukhat kha khrihfabu ah

Minung hi chan khat lawng a nung ding kan si. Chan khat chungah kan tuahsernak nih kan tuanbia a tial lai. Mifim mi nih an tuaknak ah minung chan hi buaktlak in tuak ah kum 75 a si an ti. Kum 30 a simi nih ni 16425 lawng nun caan a ngei. Kum 40 a simi nih ni 12775 lawng nun caan a ngei. Kum 50 a simi nih ni 9125 lawng a ngei. Kum 60 a si mi nih ni 5475 lawng a ngei cang. Kum 70 a simi nih cun ni 1825 lawng nunnak caan a ngei cang. Cucaah ni fatin kan nunnak hi a liam lei lengmang a panh.

Minung hi Pathian nih sullam ngei in sermi kan si. Mah ca lawngah nun si loin mi ca zongah nun ding in sermi kan si. Amah pupak hrimhrim in i zohchunh dingah mi caah nunnak a kan pek. Mi caah nunnak thap in kan nun lo hmanh ah mi caah santlaimi si kan i zuam ding a si. Cucu Pathian zongnih a kan duh piakmi a si.

Minung kan nunnak cu mimei bantuk, tikhu bantuk, pangpar bantuk le khual tlawngmi bantuk kan si. Tucun ah a par i zanlei ah a uai thanmi bantuk kan si. Cikhat te a lang i cikhat te ah a tian thanmi tikhu bantuk kan si. Mah bantuk cikhat kan nun caan te ah hin mi caah a thahnem mi si i zuam hna usih.

pe u tiah an i forh lengmang. Cu lo ahcun rian biapi kan ttuan kho lai lo ti an phang. Pastor an herh ngaingai hna. Pastor a ngei lomi an tam deuh ving. Hmailei ca buai lai an phang nain phan cawk awk a ttha lo. A ruaram deuh poh cu hman an si. Pastor pawl cu an re a thei ngaingia. Rian sokpi le an herhhai vialte an tawlrel pi hna. Kan i bochanmi pastor te USA an rak phaak hmasa hi Pathian nih Laimi ca khua a rak khanmi a si ti fiang tein hmuh khawh a asi.



Holh kongah tthanchonak tampi a um. 2005 lio ah hngakchia Laiholh thiam lo an um manh len i ka thin ka rak i domh. A tu ah cun hngakchia nih Laiholh ttha tein an thiam hna. Hihhi Khrifabu le nu le pa teimaknak ruangah a si. Micheu cu Laiholh an ttanhtuk nak ah mah khua holh bak in an chawnh hna i zapi hrawm-mi holh hmanh thiam loin mah bing holh lawng a thiammi hngakchia an um len ve hoi. A tthami karlak ah a ttha lem lomi a si tiah ka ruah.

Upa caah mirang holh thiam cu a har ko. Cathiam cia le ai zuammi cu an thiamtuk cang hna. Zapi cu cawn an huam lo. Tedim le Falam nih hi zawnah hin an kan tei ngaingai. Annih cu heh tiah an cawng. Mah ca herhhai an i chim khawh deuh. An i chim khawh tikah rian kongah siseh, zeidang rianttuannak ah siseh siarem deuh an si. Mino cacawng zongah an kan lonh. Holh thiam lo caah rian hmuh a har. Cu caah rian lo ummi an tam

Nunnak (Life) Salai Marau



Nunnak timi hi zeitin dah na ruah ve? Kan nu pawchung in kan chuah in kan thih tiang khi zeidah a sullam a si hnga. Pathian nihhin zeiruung ahdah a thi ding in an kan ser ko ah ser lo lawlaw zongin a rak kan um hnga lo. Kan pawkhim nak caah thi deng le thlanhip pawt in kan kawl, cu kan kawlmi cu a donghna ahcun vawlei thiam ah a kal di haw ko. Zeithil hmanh kan thih tikah kan i kalpi kho lo. Cu ceu cu minung nunnak a si ko. Cu tluk a simi minung nunnak ahcun hnakkohnak, zir ngeihnak, thatlonak a phunphun in a um haw. Pakhat le pakhat kan i zuam cawh hna. A hmun lomi thil ruangah kan i that, ral kan i tu. Thisen a luang.

Russia catial thiam Tol Stoy nihcun, "Tuanbia timi cu hnachet pa mi zeihmanh nih bia an hal lomi a duh paoh in a chimmi bantuk a si" a ti. Kawl muvi pakhat ah ka hmuh bal. Nunnak timi cu "A + O + O + O + Z" bantuk ceu a si. Nunnak cu "A" timi A hramthok in aa thawk i a karlak ah "O" bantuk in aa hel sawh lengmang i a donghna ahcun "Z" timi zungzal thihnak in a dong. Pathian nih vawlei a rak ser ah pum in a rak ser zonghi vawlei ze a rak si lonak langhna i a sermi dah a si lai. "O" pum cu amah le amah aa hel sawhsawh peng. Kan Baibal kan zoh ahcun nunnak timi cu a uai colh ding

pangpar hna in a tahchunh. Mimmei bantuk he hna a tah chunh. Chim duhmi cu, minung vawlei kan nun hi, harnak tuar ruah le thihnak in ruah ah a si ko lo maw?

Asinain nunnak timi cu Pathian hmanh nih a fapa ngeihchun pek in a rak khamhmi nunnak a si haw. Kan nu le nih an paw ka in minung kan si tiang ah harnak phunzakip ton hnu ah minung a chuakmi kan si. Cucaah mi pakhat nih hitluk har in a hmuhmi nunnak cu a hmanh a thiam a hau ve. Kan eden dum cu kan hman thiam a hau.

Micheu nihcun nunnak cu raktuk phunkhat, ngeihchiatnak lawngte, zuam cawhna a si an ti. Ahman! Nunnak timi cu pangpar phahmi lam cung kal a si lo.

Asinain vawlei ahhin Pathian nih a kan ser lio ah a thiam cemnak cu zeihmanh aa lo loin a sermi a si. A thawng a um bantuk in a der a um. A har a um bantuk in a faw. Nunnak a sullam cu ze bantuk thil hmanh dirh onh i tei khawh a si. Vawlei ahhin harnak um loin nuamhna lawngte in khat sehla vawlei cu um a har tukmi a si hnga. Nunnam a thawtnam cu harnak chung in kan cawl Kan cawl i kan chuah khawh khi a si ko.

Cucaah nunnak cu Pathian laksawng a si. Nuam tein cohlang in a hmanzia thiam hna usih.

hong thenh piak. Aung Thein Linn hi mipi nih an huat ngaingai mi a si. Mingalar dawrhmun a kanghnak kong zongah amah he pehtlainnak a um lai tiah an lungrumh mi pa a si. USDP kong he pehtlain thawngghalnak an tuah lio zongah biahal mi a leh duh lo pinah a hni (kungzi) a hlim hnawh hna tiah kan theih. [Ref: FNG]

Tu lio Than Tlang Thawng Laar:

A tu lio Than Tlang ah a laar ngaimi hna cu - cep tunh pah in mi ngakhur va bauh i nga va fir, nel lo rianttuan pah in daangte sih, mi a mah tein a kal ko mi cycle in va pah soal, zaanlei fatin paliklen ah va kal i biasawng va tlorh, ka thawtnak ah something tongh pah ti bantuk hi a si bik tiah, Than Tlang ummi mino pakhat sin in thawng kan theih. [Ref: HYF]

Hakha ah Zu Raal an Doh:

Hakha khuahlun bu kip fonh nih sang chungah zu a luhpi mi le zu a dingmi biatak tein an doh tthan cang hna. Sang chungah zu a luhpi mi pawl zupalang tam nawnte an khua piak cang hna. A hlece in Khuahlun sang chung in Sangte mino nih zu doh cawlcanghnak faak khun in an ngei. Zu luhpi cu chim lo zudinnak ah inn a onhtu hmanh kyats 20,000 dan an tat hna. [Ref: HYF]

DC Area CC Club Theihternak:

Ram le miphun a dawttu u le nau vi-

alte hna, kan theih cio bantukin kan CHIN ram cu kumkhat hnu kumkhat a dirhmun a chia chin thluahmah. Pathian nih khi ram khi kanmah zohkhenh awk ah a kan pek ve mi a si. Kanmah nih kan ttuan lo ahcun miphun dang nih an kan ttuan piak lai lo. Cucaah, zeiti tal in chanhch-uahnak lam a um kho hnga maw tiah CC Club rianttuannak bu cu dirh a si. "Ram le miphun ca rianttuannak ah a tlawmbik kum khat ah \$150 ka thawh ve ko lai" a timi lawng CC chungtel ah khumh a si. Thlathum chungah CC chungtel cu minung 650 reng lo kan phan cang. Kanmah DC area zongah mi tampi luh a si cang, nain phaisa a tho mi belte cu kan tlawm ngai rih. Rianttuantu santlaih lo zong a si. Cucaah, a tanglei bantuk hin Bank Account thar kan on i, mah hi account ahhin mah le caan rem ngeih ning in thawvo rak khumh cio khawh a si cang tiah kan in thei-hter hna. A duhmi nih check zongin rianttuantu hna sinah pek khawh tthiam a si.

Bank min: Bank of America
Pay to the order: Nun Uk Cung
Account number: 446022302926

Rangoon-Singapore-Malaysia Visit:

Kawlram in a chungkhar aa tlawnter duhmi hna caah rian kan ttuan piak khawh hna. Kal man ah Kyats 650,000 lawng a si lai. Fiang deuh in theih a duhmi nih a tanglei phone number le email ah pehtlainnak nan kan tuah khawh.

Run Cia Mang - 0095-173050582
runmang@gmail.com

Awite - 0172866079
jamesflm@gmail.com

ngai. Lungrethei in an um hna. Kan-nih Hakha lei hi phaisa kawh i khua lei bawmhnak ah an kan tluk ve lo. Nain, caansau caah cun anmah kha a ttahnem deuhmi an si tthan te lai ti a fiang ko.

Ca le holh thiam lo cangah cun rian niam tete an ttuan ko hna. Rian nih a nenh in a nenh hna. Manh caan an ngei lo tluk a si. Rian ruangah ai pum kho lomi tampi an um. Cu caah member 600-700 a simi zong ai pummi cu 200-300 cung an kai kho lo. An ttuan man hi zarhkhat poh ah an chuah piak hna. An ttuan man cu ngunkhuai (tax) ah tamtuk a kal. Thih soal lukhawng ca, zawt soal thlopnak ca, motor ca, inn ca tiin pek dih a herh. Telephone ca tiangin pek a herh. Pek lo um i pakhat khat ton soal ahcun cawi cawh ding a si lo. An hmuh mi hi an laak piak tthan dih ko hna. Nain, harnak an ton tikah zoh sawh an si lo, bawmhnak a phunphun a um ve. Ngunkhuai (tax) a tamtuk caah rian tuang ttuan in tthanchonak a har ngaingai. Cu caah, cathiam mi nih cun mah private rianttuannak lei ah an i mer hna. Rawl dawr, sushi dawr, chawdawr ti bantuk an tuah i company hme tete zong an thok pah cuahmah hna. Hi hna hi ai ningcang mi an si. Tampi tthannak an ngei kho lai ti a fiang. Cathiam lo le zuannak a ngei lomi ca ahcun ei awk dong lo fiang i thih te ding khi a si ko.

Innlo caah mah duhnak hmunhma cawh i mahte in sak a si lo. Company nih a sang ningin inn an sak i cucu cawh cio a si. Sangkhat innlo umtuning hi an i khat dih. Cu caah,

Tarpa tthawnnak

Hngakchia pawl: "Ka pu, na tlanval lio I, na tthawnnak kong hung kan chim ca..."

Tarpa: "Voikhat cu, kan khua khuataw ah thingkung lian taktak a pur I, khuapi in an pawh(kal) hnawh I, nikhat cun an va tthial I, an tthial kho lo. Cun kai thawh I, cu khuapi te I thingkung pakhat nikhat chung tthial I, tthial khawh lo cu, tiin a thaizing ah ka va pawh hnawh ve I, kaimah lawng bak nih nikhat cu ka va tthial ve I, ka tthial kho ve lo. Khuapi dihlak le keimah pakhat lawng kan I tluk bak... nikhat chung thingkung pi kan tthial kho veve lo."

innlo zoh in sifak le milian theih colh khawh a si lo. Mikip nih motor an ngeih dih caah motor ngeih le ngeih lo zong nih tleiddannak a chuahpi lo. Thilthuum hi biapi a si fawn lo caah hruk-aih mi zoh in mi an thlek fawn lo. Cu nih cun nun tampi a rualter. A tthatuk. Cu thil nih a hei luan chihmi cu kum upa le hngakchia asiloah mino, cathiam le thiam lo tibantuk karlak ah upatnak a zorter chih. Pastor le hruaitu upa zong upat an tongh hlei lo. Hih cu a hman zia le a laak zia an i palh bakmi a si. Cun, Laimi nih motor ttha an duhtuk. Mino ko nih an duh chinchin. Anmah mirang hmanh nih nan motor a tthatuk an kan ti an ti. An ttuanmi rian le an hmanmi motor ai zul lo. Cun, zurit bu motor mongh hi tthnung ngaimi a si nain Laimi nih an mongh chih lengmang i chuahsual a tongmi an tlawm ti lo. A tlangpi in zudin lei ah kan i rel deuh ngai an ti. Rian le umtuning nih a cawnpiaik ve ko hna tinak a si.

Nunphung thlau lai an phangtuk. An phan hrim awk a si. Nunphung an thlau ahcun kan miphun ci a mit ding pei a si cu. Cucaah, Khrihfabu hna nih Pathian bia le nunphung kalpi thiam an herh ngaingai. An thiam chin lengmang fawn. Mino hna cawnnak ah an i hlau chin lengmang. USA le vawlei pi chungah a pil khomi an um chin lengmang. Hi thil hna nih hmailei kan Laimi caah theipar ttha a chuah lai ti lunghrin ding a um ti lo. Pathian hruainak nehnang hi a liannang ko. ┘



Cawn AwkTlak Mupi Nun

Sailo Pa



Isa.40:31 “Bawipa aa bochan mi cu thazang thar an la, mupi bang in an zuang lai, a tlik tikah an tha a ba lai lo, an kal tik zongah an tha a di lai lo”.

Mupi hi va phun lakah nunkhua a sau bik an si. Kum 70 tiang an nung kho. Ramsa le sahring thisen ei in a paw ai cawm. A fa le zong sahring in a cawm hna. Sahring zalh duh ah cun tthawn le thiam le teimak a hau. An chan lailing ah cun van sangpi ah khin an zuang kho. Thlichia a hran zongah a cung in a zuang. A mit hi a fim tuk caah van sangpi khin vawlei ah a um mi zu hmete khi a hmuh khawh. Kum 40 an si hnu cun upa lamtlai lei an hong si ve cang. Kum 40 hnu lei cun tirawl kawl zongah an no lio bantuk an si kho ti lo. Sa pelnak ah ai bochan ngaingai mi an tin zum le an hmur zum cu an hong ngawi zuahmah ve cang. An khing zong a rit chin lengmang cang. An zuannak thla zong cu duhning in an

samh kho ti lo. An hmul zong cu a chah chin lengmang caah an khing a rihnak zong cu a si.

Ramsa zong a duh bantuk in a pel in a tlai kho ti lo. Cu tikah thim ding pahnih lawng a ngei cang. (1) Rawl loin thih, le (2) Van itharchuah tthan a si. Mupi nih cun beidangh in that cu ai thim bal lo. Tharchuah i saupi nun tu kha ai thim. Tharchuahnak dingah cun fahnak zong tuar a hau.

Tlang parpazik ah a va zuang i a bu chungah ai hriim. Thazang a van ngeih deuh hnu ah a hmur ngawi mi cu lungpi cungah a tlongh hlan lo a hnur. Hiti a hnur lio ah hin thi hring hna a pawt caah tuar a har ngai lio caan a si. Cuticun a hmur ngawimi a tlongh hnu ah a hmur thar a keuh hlan tiang a hngah. Hmur thar a keuh hnu ah a tin ngawimi zong cu lungpi ah a hnur i a thlongh tthan. Tin thar a khoh hnu ah a tar lei hmul hna cu a thlongh tthan hna. Hmul thar a khoh tiang a hngah tthan.

A fa le an cutzat dengmang tikah, a bu kha a hnin, a fa le cu tihphang lengmang in tangah an tla. An tlak lio ah cun api nih a van zuahnawh hna i a tha cungah a fut ter hna hnu ah a bu chungah a chiah tthan hna. Cu bantuk in vei tam deuh a tuah tikah cun a fa le nih zuan an thiam ve cang. Zumtu minung zong harnak kan ton lio caan khi zuan thiam dingah cawn lio caan a si ve.

Deu.32:11 “Mupi nih a bu kha a hnin i a fano kha a van zuahnawh hna i, a thla a vun samh i, cungah a futter hna i, a zuanpi hna bantuk in Bawipa nih khan a hruai hna”.

Mupi tar ai tharchuah chung cu ni 150 tluk a rau. Hmur thar, tin thar le hmul thar a ngeih hnu cun a duhnak kip ah ram sa pel in a zuang kho tthan. Kum 40 hrawng ah a nunnak a liam ko ding kha, amah tein a nunnak kum 30 dang ai chap tthan.

Salm.103:5 “Ka nunnak cu thil ttha in a khah ter, cucaah ka no peng i mupi bantuk in ka tthawng”.



Hi lio ah Daw Aung San Suu Kyi nih cun thimnak kong he pehtlain dinlonak a ummi vialte kan hlat-hlai lai i, kan party nih report felfai tuah khawh kan i zuam lai; nain, thimnak result kongah lam hrawn in duh lo langhternak tuah kan tim lo, tiah a ti. Cu thil he tongkheng in Election Commission nih political party vialte theih dingmi ralrinpeknak ca tuzarh cacawn nilini ah an chuah ve. Thimnak i tlin lo ruangah a phun-phun in ramdang radio le media ah thimnak mualphohnak a tuahmi cu zullhphung Article 64 chirchchanh in hremnak pek khawh nan si, tiah an ti. Article 64 nih hremnak a pek khawh mi a sangbik cu thong kumthum nak tam lo thlak le, phaisa 300,000 kyats liamter a si. [Ref: Irrawady]

Hung Ngai Nih A Lu Thin:

Chin State Peace and Development Concil (SPDC) lutlai Ex-Gen. Hung Ngai cu November 7 thimnak ah Hakha, Than Tlang le Falam peng pumpuluk ah USDP an sung mi nih ingpuang thintawi in a laak. Cozah Department lutlai vialte nih nan staff minung pawl vote thlakning nan hlat-hlai dih lai tiah November 12 ah nawlpeknak ca a chuah. A himnak ruah ah a min a langhter duh lomi Hakha cozah rianttuantu pakhat nih cun, “A hlakan i vote thlakmi kongkau ah khan cun Ward Elec-

tion Commission nih hlat-hlainak ttuanvo aak dingin an ti hna, nain, Department lutlai cio zong nih mah le department staff pawl lak ah a ho nih dah USDP a vawt duh lo timi nan hlat lai” an kan ti tthiamtthiam, tiah a ti.

Ward Peace and Development Council i a ttuanmi pakhat nih cun, USDP a vawt duh lomi pawl an theih tik hna ahhin zeiti set in dah a zi an zut hna lai ti cu a fiang rih lo, reng ttumter zong a si kho tiah a ti. A bik in Hakha le Thang Tlang ah USDP an sung mi nih hin Hung Ngai cu a thin a phawh khun. Chin National Party (CNP) nih Hakha le Than Tlang cu an hui dih. Chin Progressive Party (CPP) nih Falam ah an hui dih ve. Tedim le Tonzang belte ah cun ralkap dirkamh mi USDP nih teinak an co. [Ref: Chinland Guardian]

Teinak Lawmh Puai ah Eek tom an Cheh Hnawh:

Rangoon, Kab Aye lam le Saya San lam tonnak pawngah a ummi USDP MP palai, ralbawi Aung Thein Linn cu thimnak ah teinak a co mi lawmh-nak puai a tuah lio ah sunny motor hme mi pahnih nih eek tom an i phorh riangmang i a inn hmai ah khat tuh an cheh hnawh. A ncheh caan hi zaan suimilam 8 hrawng a si tiah a mit in a hmutu bus mawngtu pakhat nih a chim. Lawmh-nak party puai kai dingin a sawm mi a ralbawi hawi Tainghmu Win Myint cu eek rim nih a ka namh tuk a ti i a ttin taak. Mee hlen chom in teinak a co mi Aung Thein Linn cu eek pawl a hmuh le cangka Bahan khua nawl ngeitu pawl phone in a chawh hna i thingkung ti kahnak timerh in eek pawl cu an

nuva in ziknawhnak an ei mi phaisa hi Taiwan dollars in 400 million tluk a si i, a zapi tein cham tthan dih dingin biacaihzung nih thirca an pek fawn hna. Pu Chen Shui-bian cu 2000 in 2008 tiang Taiwan President a rak ttuanmi a si. [Ref: CNN]

Sanghai Khuapi Ah Inn Dot 28 a Kaang:



Tuzarh cacawn nikhat ni, November 15 ah Taluk ram khaalipi pahnihnak a si mi Sanghai khuapi ah inn dot 28 sang mi a kaang i minung 42 an thi, 90 an i hliam. Mi tampi cu chanhtu hna nih an chuah manh hna caah an luat. Suimilam 4 a raoh hnu ah mei cu an thah khawh. Hi innpi hi a liam cia thlakhat hrawng khan an tharchuah cuahmah lio mi a si i, a chungah chungkhar 150 tluk an um tiah thawnglatu hna nih an chim.

A kanghnak a ruang fiang tein an theih kho rih lo nain rianttuantu dirnak donhhlei an tuahmi a kaang i cu nih cun a dang zong a hun tlaih thluahmah tiah, a hmutu pakhat nih a chim. [Ref: CNN]

Ralkap Thimnak Tuahmi Ah USDP Nih Teinak An Co:

“Burma’s Union Election Commission (EC) nih Nov. 7 thimnak cu Union Solidarity and Development Party (USDP) nih teinak an co; palai seats ummi zapi 1,154 chungah seats 883 an hmuh, zatuak 76.5% a si” tiah, Taluk thawngcabu pakhat The People’s Daily nih tuzarh cacawn nilini ah a chim. ‘The People’s Daily’ cu ‘The Central Committee of the Communist Party of China’ i a ttengnge pakhat a si. Dipdiar deuh i an ttialning cu a tanglei bantu hin a si.

Prime Minister Thein Sein hruai mi USDP party nih House of Representatives ah seats 325 chungah seats 259 (zatuak 79.6%) an hmuh, House of Nationalities ah seats 168 chungah seats 129 (zatuak 76.7%) an hmuh, State le Regional ah seats 661 chungah 495 (zatuak 74.8%) an hmuh. Cun, report kan donning ah National Unity Party (NUP) cu seats 63 laa in teitu pahnihnak an si; cun, Shan Nationalities Democratic Party (SNDP) nih seats 57, Rakhine Nationalities Development Party (RNDP) nih seats 35, National Democratic Force (NDF) le Region Democracy Party (AMRDP) ni seats 16 veve an hmuh, tiah a ti. Taluk tadinca nih dipdiar ngaiin mahtihin a chim ko nain ralkap cozah nih cun mipi sinah official in thawngthahnak zehmanh a tuah rih lo.

Sikngen Khuan Hlanah

Nibawilian

Thlatangpa ee Ceucin ka cuan
Cungchin ahkhin nuam in an leeng dialdial
Siseh law ee Aancing ka dawt
nang bel khoihen um hnga tiin
Dingthlu sinah na zawn hal ka dai thiam lo ...
Aanruang na hmethylum le na aidi nih
ka thinlung pentu rak si ai hna ...
Dawtmi na tta kei nih
kei sin na kir lai ni hngak in
thinlung innka hun cia tein kaan cuanh peng ko
theithiam law mu rung kir cang ko
Sikngen khuan hlan ahhin ..



Hal lo in Chimmi Bia

Mai Senripar

Ruahchan nak vialte
Thinlung chung ah fim in
Arfi tlak caan poh ah thla ka cam tawn e
Umnak hmunhma ai khat lo ruang ah
Na ka phill cang maw?
Ka thinlung nih chim a duh ko nain
Zuun ngaihnik in a khat mi thinlung
Ka uam i ka khar tthan
Ngaihchiatnak mitthli tla lo in
Sian lonak mirh tu
Kai pom deuh



Prince William Nih Mo Hamnak A Tuah:



Prince Charles le Lady Diana i an fapa Prince William cu kum saupi chung a zulkhkhah cangmi a ngaknu Kate Middleton he i tthit-um dingin hamnak a tuah tiah Charles siangpahrang zung Clarence House nih thawng a thanh. Hi bantuak siangpahrang chungkhar tthit-umnak (Royal Wedding) hi a liam cia kum 30 lio ah Prince Charles le Lady Diana nih a rak hman i cucu England ram ah royal wedding a donghbik a si. A tu kum 30 a rauh hnu ah Prince William nih a vun hman tthan lai tikah England mipi cu lunglawmhnak in an khat.

Prince William nih Kate Middleton sinah tthit-laak dingin hamnak (propose) a tuah hi kan hnu October Kenya ram vacation an kalnak ah a si. Hamnak biakam fehternak caah sapphire lungvar le diamond in sermi mithi a nu Diana zungbunh kha Kate Middleton sinah a pek. Kate Middleton nih cun “Prince William nih hi bantuak in propose a ka tuah ding hi kaa ruahchan ngammi a si hrimhrim rih lo, ruah lo piin hamnak zungbunh a ka pek tikah ka thinlung aa hninsai tuk hringhran ko” tiah a ti. Prince William nih cun, “Hi zungbunh hi kan nu Diana hamnak caah an rak pekmi a si i ka ca ah a sunglawituk

mi a si, cu ruangah cun hi zungbunh thengte hi ka dawtbik mi Middleton sinah ka pek ve nak a si” tiah a ti.

Prince William nih mo hamnak a tuahmi cu a pi Queen Elizabeth II le a pasal Prince Philip nih siseh, Middleton nu le pa nih siseh an hnatlakpi dih hna. An i tthit-umh ni le caan belte cu Charles siangpahrang zung nih an chim duh rih lo. Nain, 2011 summer ah maw, spring ah maw a si te kho men tiah an ti. A ni le a caan an fianh khawh rih lo nak a ruang hi 2012 ah England ram ah Olympic lentecelhnak puai tuah ding a si caah le Queen Elizabeth nih Siangpahrang luchin aa chinhnak kum 60 tlinnak Diamond Jubilee tuah a timh caah a si kho men, tiah thawngcabu mi hna nih an chim.

A tu ah England Siangpahrang Luchin aa chih liomi cu Queen Elizabeth II a si. Amah a thih tikah a vun chawngtu ding cu Prince Charles a si. Cun, a tu nupi tthi ding a fapa Prince William hi a si. A pathumnak cu Prince William le Kate Middleton nih an hrin te dingmi an fapa a si lai. Prince William naupa Prince Harry cu rocotu a palinak ah a um.

[Ref: BBC]

Nausem Ruak 2,000 Hlei An Hmuh:

Thailand ram Bangkok i Buddhist Temple pakhat in rimchia an theih lengmang caah tuzarh cacawn nihnih ni, Nov 16 ah Thai palik nih an chek i nausem ruak 300 an hmuh. Cu hnu ah, cacawn ninga ni ah ruak chiahnak khaan an chek tthan i 2000 reng lo an hmuh tthan. Khoika in dah hi nausem (fetus) ruak pawl hi a rat hnga ti an hlat tikah illegal siikhan (clinic) pawl in a ra mi a si kha an theih. Thailand ram ah nau hrawh cu illegal a si. Cozah phung nih a onh



lo. Tlaih hrem ton sual ruangah pawl sual mi naute maw, a nu ngandamnak caah tthi a nungmi naute maw, nupum chungah sinang aa mah lomi naute maw an si lawngah phungning in hrawh khawh a si.

Tutan thil kong he pehtlain minung tamnawn an tlaih hna. License ngei loin nauhrawnak clinic a tuahmi le rianttuantu pawl zong cozah phungin in taza an cuai an timh hna. Clinic i rianttuan mi pakhat nih cun kan siikhan i nausem thahmi pawl hi keimah nih hi hmun ahhin ka rak chiah tawn hna, hi rian hi tukum kumthawh ka khan ka ttuan tiah a chim. “Nausem ruak pawl hi a cheu cu a rau ngai cangmi zong an um, zeiruang ah dah khangh(cremate) loin mah tihin an chiah hna hnga ti hi a ruah awk kan hngal kho lo” tiah, palik bawi Col. Sombat nih a ti.

Thai ram Ngandamnak lei vuanci Jurin Laksanavisith nih cun, Thailand ram ah nau a pawl mi hi kumkhat ah million pakhat hrawng an si; cu chungah 60,000 hrawng hi amah tein aa hrawkmi an si i, 80,000 hrawng hi phung ningin hrawh piak-

mi an si tiah a ti. Cun, phung loning i nauhrawnak nih hin kan society a chiatchuah tuk, cucaah tthangthar mino pawl lakah sex kong felfai deuh in i cawnpiaknak a um khawh nak hnga cozah le private lei kap hnih in ttan kan laak a hau, tiah a ti fawn. Thai rambawi Abhisit Vejjajiva nih cun, “Nau hrawh kan kham khawh nak hnga cozah nih cak deuh in hmual ngei deuh in hma kan laak lai; nain, kan ngeih lio mi zulkhphung tu cu revise kan tuah lai lo, zeicah tiah, kan phung hi cu a za tawk ngai a si ko” tiah a ti.

[Ref: AP Bangkok]

Taiwan President Kum 11 Thong an Pek:



Taiwan ram ah an president hlun a si mi Pu Chen Shui-bian cu rambawi a ttuan lio ah ziknawnak a ei an tiin taza an cuai i a tlawmbik kum 11 thong tla dingin Tai Wan biacaihzung nih November 12 ah nawlpeknak thirca a chuah. Cu lawng siloin president hlun vialte nih an ngeihmi covo zong laak piak dih a si lai tiah supreme court biachimtu Chang Chun-tsan nih a chim. Pu Chen Shui-bian nupi Wu Shu-jien zong ziknawnak a ei ve caah kum 19 thong tla dingin bia an khiah. An